

Član 2.

Naknada za gradsko građevinsko, ostalo građevinsko i poljoprivredno zemljište iz člana 1. ove Odluke određuje se u skladu sa članom 53. Zakona o eksproprijaciji FBiH kao tržišna vrijednost, a prema zonama gradskog građevinskog zemljišta Općine Novi Grad Sarajevo.

Član 3.

Naknada za građevinsko zemljište državne svojine određuje se prema granicama stambenih zona gradskog građevinskog zemljišta, a kojih za Općinu Novi Grad Sarajevo ima pet:

Zona	Naselje	Tržišna vrijednost
II A	Hrasno, Otoka, ul. Bulevar Meše Selimovića, ul. Dž. Bijedića, Čengić Vila II	200,00-400,00 KM
II B	Ali-pašino Polje, Mojmiilo (Olimpijsko Naselje), Dobrinja, Švrakino Selo (naselje Pavle Goranin), Aneks uz ul. Safeta Hadžića	150,00-200,00 KM
III	Viza, Vranica, Feroelektro, Halilović, Saraj-Polje, Nedžarići, Energoinvest, RTV dom, Žica, Gras, Ali-pašin Most, Mladeni, Švrakino Selo, ul. Safeta Hadžića, ul. Dž. Bijedića, donji dio Buča Potoka, ul. Safeta Zajke	120,00-200,00 KM
IVA	centralni dio Rajlovca i Bačići	100,00- 120,00 KM
IV B	padinski dijelovi Buča Potoka i Švrakinog Sela, Briješće, Briješko brdo, Vitkovac, Boljakov Potok, Mlakve, Brdo Mojmiilo, Brdo Hrasno	50,00-100,00 KM
V	Rajlovac, Reljevo Dvor i centralni dio Zabrda	50,00- 100,00 KM
VI	Bojnik, Mihaljevići, Dobroševići, Ahatovići, Djevojačke vode, Bioča, Rječica, Paljevo, Perivoj, Žuč, Smiljevići, padinski dio Zabrda	10,00 -50,00 KM

Član 4.

Naknada za zemljište koje se ne može obrađivati i sa kojeg raniji vlasnik nije mogao ostvariti značajne prihode (neplodno zemljište, kamenjar, šumsko područje, šikara, šibljak, močvare) utvrđeno po osnovu člana 3. ove Odluke određuje se u visini naknade koja bi se odredila za pašnjak najniže klase u istoj katastarskoj općini, odnosno u rasponu od 3 do 5 KM.

Član 5.

Visina naknade za zemljište iz člana 1. ove Odluke usklađivat će se periodično u skladu sa promjenom prometne vrijednosti i usklađivati sa kriterijima Komisije za utvrđivanje prometne vrijednosti nepokretnosti i prava Općine Novi Grad Sarajevo.

Član 6.

Visina naknade za zemljište iz člana 1. ove Odluke utvrđuje se rješenjem o dodjeli, odnosno rješenjem o preuzimanju, a nakon sklopljenog sporazuma između vlasnika zemljišta, odnosno budućeg investitora i Općinskog pravobranioca, a u skladu sa članom 3. ove Odluke.

Član 7.

Ova Odluka stupa na snagu osmog dana od dana objavljivanja u "Službenim novinama Kantona Sarajevo", a primjenjivat će se za 2010. godinu.

Broj 01-02-6404/10
31. marta 2010. godine
Sarajevo

Predsjedavajući
Općinskog vijeća
Aner Šuman, s. r.

Na osnovu člana 40. stav 1. i člana 47. stav 2., alineja 3. Zakona o prostornom uređenju ("Službene novine Kantona Sarajevo", broj 7/05), te člana 33. Statuta Općine Novi Grad Sarajevo -Novi prečišćeni tekst ("Službene novine Kantona Sarajevo", broj 30/09), Općinsko vijeće Novi Grad Sarajevo je, na 14. sjednici održanoj 31. marta 2010. godine, donijelo

ODLUKU

**O STAVLJANJU VAN SNAGE ODLUKE O USVAJANJU
IZMJENA I DOPUNA URBANISTIČKOG PROJEKTA
POSEBNOG PODRUČJA "MOJMILO" I ODLUKE O
PROVOĐENJU IZMJENA I DOPUNA
URBANISTIČKOG PROJEKTA POSEBNOG
PODRUČJA "MOJMILO"**

Član 1.

Stavljaju se van snage Odluka o usvajanju, izmjena i dopuna Urbanističkog projekta posebnog područja "Mojmiilo" i Odluka o provođenju izmjena i dopuna Urbanističkog projekta posebnog područja "Mojmiilo" donesene na 31. sjednici Općinskog vijeća Novi Grad Sarajevo održanog 26.3.2003. godine i objavljene u "Službenim novinama Kantona Sarajevo", broj 6/03.

Član 2.

Ova Odluka stupa na snagu osmog (8) dana od dana objavljivanja u "Službenim novinama Kantona Sarajevo".

Broj 01-02-6396/10
31. marta 2010. godine
Sarajevo

Predsjedavajući
Općinskog vijeća
Aner Šuman, s. r.

OPĆINA STARI GRAD

Općinsko vijeće

Na osnovu člana 70. i 73. Zakona o budžetima u Federaciji Bosne i Hercegovine ("Službene novine Federacije BiH", broj 19/06) i člana 25. Statuta Općine Stari Grad Sarajevo - Prečišćeni tekst ("Službene novine Kantona Sarajevo", broj 31/08) Općinsko Vijeće Općine Stari Grad Sarajevo, na sjednici održanoj 29. marta 2010. godine, usvojilo je

IZVJEŠTAJ

**O REALIZACIJI BUDŽETA
OPĆINE STARI GRAD SARAJEVO ZA PERIOD
01.01.2009. DO 31.12.2009. GODINE**

Član 1.

Budžet Općine Stari Grad Sarajevo za 2009. godinu utvrdjen je u iznosu od **18.037.655,00 KM** a izvršen je u obimu i iznosima kako slijedi:

1. Ukupno ostvareni prihodi i primici u tekućem periodu iznose: 15.099.118,08 KM

- Poreski prihodi **2.870.601,49 KM**
 - Neporezni prihodi **8.940.258,95 KM**
 - Neporeski prihodi od poduzetničkih aktivnosti i imovine 7.102.167,22 KM
 - Naknade ,taxe i prihodi od pružanja javnih usluga 1.838.091,73 KM
 - Tekuće potpore 3.088.257,64 KM
 - Kapitalni primici 200.000,00 KM
- 2. Prenesena raspoređena sredstva iz 2008 godine 1.676.553,24 KM**
- 3. Ukupno ostvareni prihodi i primici. . 16.775.671,32 KM**
- 4. Ukupno ostvareni rashodi i izdaci u tekućem periodu iznose 14.363.708,31 KM**
- Razlika između ostvarenih ukupnih prihoda i primitaka i rashoda i izdataka - suficit, po Izvještaju o realizaciji Budžeta za period 01.01.-31.12.2009. godine (3-4) iznosi **2.411.963,01 KM.**